

(وردة مغمضة)

كنت وردة مغمضة
والندى لسه ما جاش
أول فرحة كانت معاه
هو علمني الحياة
وابتسامة فوق شفايف
وعيون بتلمع
والكل شايف
بس قلبي من الهوا
كان لسه خايف
عدت الأيام علينا
في انتظار وفرحة
وآه

بس قلبي لسه خايف

واتقفل علينا باب
هي دي بداية الحكاية
ولا دي هيا النهاية
عدت السنين ومرت
واندفن كل شيء
وما فضل لينا شيء
قالوا صحوا الميتين
قلت من امتى اللي راح

يرجع تاني
والقلوب رتم حزين
والعود أوتار بتخنق
امتى يا حب تعود
يمكن العشرة تدوّب
التلج اللي بينا
يمكن نتوه شوية
علمينا يا حياة

إنو اللي باقي جوانا كثير

حبه حبه تكبر العيال

والصغير يبقى كبير

يتولد حب تاني

من جديد

تغريدة جاية يوم

العيد

شعراية بيضا مش

هاخاف منها أكيد

حتى قلبي بيها سعيد

كل سن وليه حلاوته

والنهاية مش أكيد

كل دقة قلب للحكاية

تاني تعيد

مشوار طويل بس فيه

قلبي.. سعيد